

DISPUTATIO JURIDICA
INAUGURALIS

De

PARRICIDIIS,

EA I G M A I O H

SUB DIVINI NÜMINIS PRÆSIDIO
ET AUSPICIIS,
AUCTORITATE & DECRETO

Magnifici & Nobilissimi Consistorii Ordinis
in antiqua Almaeve Rauracorum
BASILEÆ,

Pro Summis in Utroque Jure Honoribus &
Privilegiis rite, solemniter
consequendis,

Publica ac solenni eruditorum disquisitione
submittit

HENRICUS DE BILDERBECK,
Agrippinas.

Ad diem ult. Martii Anni M DC LXIX,

Horis locoque consuetis,



BASILEÆ,

Typis JOH. JACOBI DECKERI, Academiae Typographi,
Recusa 1702

Illustrissimis & Potentissimis
HOLLANDIÆ
ET
WESTERISIÆ
ORDINIBUS,

**Patriæ Patribus,
Inauguralem hanc Exercitationem
confecrat**

AUTHOR.

HENDRICKS DE WILDERBECK

Agrippinae.
At home in the middle of the DC EXHIB.
Hort's location confirmed.



THE NEW YORK PUBLIC LIBRARY
ASTOR LENOX TILDEN FOUNDATIONS
500 5TH AVENUE
NEW YORK 17, N.Y.



Uam in Vos, Illustrissimi, & Potentissimi Proceres, raro exemplo, beneficus fuerit, ab omni evo, qui cuncta hac nutu suo gubernat Deus, annales loquuntur, fama perorat, univversus miratur & stupet orbis, Quae alias Gentes ultra communem extulere sortem, commoditas situs, incolarum opes, rei militaris gloria, in alias imperium, vobis cum illis sunt communia, sola Libertas, cum paucis, vestrum peculiū est, quam à Romanis, quibus imperviam videbatur nihil, nihil restitutum, tentatam: ab aliis saepius lacesitam: ab Hesperia Domino, Majorum memoria, tantum non oppressam, causa fiducia, favore caeli, concordia victrice freti generose tutati estis, fortissimorumq; pectorum objectu tanta cum gloria devolutam ad Vos à Majoribus hereditatem sartam tectamq; conservastis, ut par felicitati gloriaq; vestra nihil habeat hodierna etas, nec quae secutura sunt secula, majus quiddam promittere ausint. Sed dum unicam hanc Libertatem vindicastis, quae non cumulatim victrices terras vestras inundavere bona? Olim sub libero regimine: mox sub Ducum, Comitumve Moderato imperio, Regem enim vestra Regio nescit: tandem post tyrannidem, quae ad breve tempus cervicibus vestris incubuit, felicissime excussam, ad avitum morem redintegrato regimine, subjectos vobis, populos ex Juris norma moderamini; commercio cum omnibus Veteris Novig; Mundi incolis, faustissimis hactenus auspiciis, exercitio locupletatis; fovetis Musas, quae nullibi, quam apud Vos delicatius habent, solamini afflictos, exulibus dulces patriae suae induitis oblivium, & quod maximum est,

est, Orthodoxam Ecclesiam sinu fovetis, alis vestris protegi-
tis, dextra tuemini: Hinc fieri non potuit, quæ homines per-
versos agit innata pravitas, quin adeo inusitata felicitas
apud plurimos, quibus malignus est oculus, invidiam, ista
odium, hoc dein occulta primum molimina, mox in nervum
prorumpentes minas, bellum deniq; & armata malignitatis
ultimos conatus conflaverit. Sed, Deo sit gloria, eo cum suc-
cessu, quem nemo magis, quam hostes sentiant, quibus merito
dolere debet, totius ferme conjurati orbis consilia, quæ nescio
cujus Alexandrizantis infelix ambitio procuderat, in va-
num cecidisse, sed qui in vanum? Imo in illustrius vestri de-
cus, & crudelius hostilium animorum tormentum. Cum ho-
stibus, cum sociis: cum inimicis, cum amicis consistendum
erat: terrâ marig, excidium intentabatur, intra ipsa viscera
scintille gliscebant: sed ubiq; luctati, ubiq; emergistis: aperta
odia armis, sectas insidias sagacitate, intestinas fraudes se-
veritate, omnia, quæ imminebant felicitate penitus inusta-
tâ ulți estis. Sic Victor à cruento confictu Leo vester, seq;
ipso major redux, placidus nunc sublimes admittit Lauros, &
fortitudinis suæ fructus colligit, quorum præcipui rerum bene-
gestarum gloria, virtutum conscientia, & sensus favoris di-
vini. Quæ in gratulantium turba ne timerem & ipse, Clie-
ntum licet vestrorum humilimus, accedere, & tot laureis inau-
gurales has hederas adijcere, effecit favor insolitus, quo Pa-
rentem, Avumq; complexi estis, eoque, ut in magni momen-
ti negotiis eorum operâ consiliisq; etiam usi fueritis. Horum
filius, neposq;, cùm aliud nil possim, auri enim argentiq;
immensâ pondera, eboris, thurisq; vinctuberrimam unionum,
gemmarumq; prodigia, Vestra vobis India mittit, vota præ-
cesq; ad Deum, qui stator & auctor vestri Imperii est, arden-
tissimas fundo, ut felicitatem, quâ hætenus tantâ cum ve-
stra gloria, totq; gentium emolumento estis fructi, velit esse
solidam, & in sera secula perennem! Basilea, Non. Calend.
April. Anni M. DC. LXVIII.



DISPUTATIO JURIDICA
INAUGURALIS

de

PARRICIDIO.

THESIS I.



Rimen homicidii per se satis atrox ex concurrentibus qualitatibus, & circumstantiis fieri potest atrocissimum, id quod fit in PARRICIDIO, ASSASSINIO, VENEFICIO, LATROCINIO, aliisque casibus, quibus non immerito à regula communi recedendum, pœna-

que atrocior Reo delinquenti ob Criminis qualitatem irroganda est. Sed omnium horum asperrimum, immanissimum, atq; prorsus execrandum est Parricidii Crimen; Et sicut inter delicta, quæ in hominem committuntur, nullum gravius quàm homicidium, ita inter omnia homicidia nullum parricidio atrocius reputatur. De quo crimine Solon unus ille ex septem Græciæ sapientibus, & Atheniensium legislator legem non tulit, propterea, quòd tam impium, & nefarium scelus in cor hominis cadere non posse existimavit, ut refert Eloquentiæ Prens

A

Cice-

Cicero *Orat. pro Sext. Roscio Amerino*. Cujus exemplum sequutus Romulus similiter nullum supplicium in Parricidas constituit, quod etiam non putarit tantæ inhumanitatis quempiam fore, qui tam foedum & horrendum facinus perpetraturus esset. Plutarch. in *Vita Romuli*; quod & idem de Persis testatur Herodotus *lib. 1*. Quid enim ipsi naturæ horribilius, quàm esse aliquem humanæ speciei & figuræ, qui tamen immanitate bestias (quæ non modò foetus sed etiam parentes suos amant) & feritate superârit, ut propter quos hanc favissimam lucem aspexit, eos indignissimè luce privaret, suæque propria viscera & pignora nefariè trucidaret! Ob immanitatem igitur hujus Criminis Majores Romanorum & Imperatores singulare in Parricidas excogitarunt supplicium, ut quos natura ipsa retinere in officio non posset, ii magnitudine Poenæ maleficio submoverentur. De gravissimo hoc delicto, ejusque constituta Poena præsentī dissertatione agere animus est, breviter, & per compendium quasi, cum prolixos facere Commentarios temporis angustia, & rerum mearum status non patitur,

II.

Propriè, & strictissimè Parricida dicitur, qui patrem occidit, quasi Patricida, aut per syncopen, quasi parenticida, teste Quintil. 8. *Inst. Orat. 6*. Ut autem apud alios Classicos auctores observare licet, nonnunquam ita verbum Parricidii accipitur, ut quamcunque atrociorē eadē designet; quasi quod sit parī hominī occisio: apparet id ex verbis Numæ Pompilii legis, quam Festus in Verbo *Parici quaestores* nobis servavit: *si quis hominem liberum dolo sciens morti duit, Parricida esto*. Sic quaestores parricidii, appellati, quaestores rerum capitalium, *l. 2. vel ult. §. 23. ff. de Orig. Jur.* Et clausula *Parricida esto*, in omni re capitali pone-

ponebatur. Cicero 2. de legibus: *Sacrum sacrode commendatum, qui cleperit, rapstive, parricida esto*, i. e. Capital esto. D. Arnold. Vinnius Comm. ad §. 6. *Inst. de publ. Jud.* Forsan & hæc conjectura sumi potest, in quæstoribus parricidii denominationem esse à majori, ita, ut sub ambitu parricidii minora crimina contineantur, quorum cognitio pertineat ad quæstores Parricidii, quia & ipsius Parricidii cognitio ad eos pertinet.

III.

Planè Principis interfecto Parricida jure optimo dici potest: Pater enim Patriæ Princeps appellari solet: Quid autem sibi voluerit hæc acclamatio, quidq; Romani Veteres monuerint his verbis, *Pater Patriæ*, planissimè docet Seneca, cujus verba non gravabor adscribere ex *libr. 1. d. Clem. c. 14.* sunt enim illustria, & sempiternà memorià Principibus Viris retinenda. *Hoc quod parenti, etiam Principi, inquit, faciendum est: quem appellavimus patrem patriæ, non adulatione vanà adducti. Cætera enim Cognomina honori data sunt. Magnos, & Felices, & Augustos diximus, & ambitiosæ Majestati, quicquid potuimus titulorum, concessimus, illis hoc tribuentes. Patrem quidem Patriæ appellamus, ut sciret datam sibi potestatem patriam, quæ est temperatissima, liberis consulens, suæque post illos ponens. Imo atrocius est Crimen Patrem Patriæ quàm suum parentem occidere. Cicero Philipp. 2. Ita Turnus, qui res novas adversus Tarquinium moliri putabatur, Parricida vocatur Livio lib. 1. c. 25. Et Cæsaris interfectores omnes Parricidæ dicti, diesque quo trucidatus, Parricidium nominatus est. Suet. in Julio c. 88. Quanquam autem Parricidii vocabulum ita latè pateat; nos tamen solummodò de iis Parricidis agemus, qui lege Pompejæ de Parricidiis continentur. Quæ lex nullam Principis facit mentionem,*

A 2

quip-

quippe lata eo tempore, quo imperium adhuc penes populum erat, nec opus erit, ut nos Personis in d. lege comprehensis Principem adjiciamus: tamen si enim Pater Patriæ sit, de eo satis cautum Constitutionibus Principalibus circa crimen læsæ Majestatis *tot. tit. D. et. Cod. ad Leg. Jul. Majest.*

IV.

Lege Pompeja (quam Pompejus cognomento Magnus Princeps suo tempore in republica & ter Consul, ut videtur Hub. Giphonio in *ind. hist. anno V. Cond. DCCII.* tulit) qui tanquam parricidæ teneantur, & puniendi sint, nominatim cavetur, & definitum est: scilicet, qui fata parentum, liberorum, fratris, sororis, Patruelis, Matrueles, Patruis, Avunculi, Amitæ, Consobrini, eorumve, qui propiore gradu sunt: Viri uxoris Soceri, Generi, Vitrici, Novercæ, Privigni, Patroni, Sponsi, Sponsæve, nec non parentum eorum fata præparant. *l. 1. 3. 4. ff. ad Leg. Pomp. de de Parricid. §. alia deinde lex, 6. Inst. de Publ. Jud.* ubi Joh. Harppr. n. 23. Facilius exinde definitio exstrui poterit in hunc ferè modum. Parricidium est cædes nefaria qualitercunque contra pietatem, & jus sanguinis in ascendentes, descendentes, transversales, & affines perpetrata D. Carpzov. *pract. Crimin. part. 1. qu. 8. n. 2.* Omisi consulto, Crimen publicum: satis enim id reor esse notum. Vide sis Decian. in *tract. Crim. lib. 9. c. 5. n. 2.* Prosp. Farinac. *prax. Crimin. part. 5. qu. 120. n. 136.* Omisi mentionem doli. Quod enim in parricidio difficilius arguatur dolus, facit summus amor & arctissima necessitudo, quæ inter proximas personas, imprimis inter parentes, & liberos est, doli suspicionem aut minuit, aut excludit. Quo argumento Cicero usus est pro *Sext. Rosc.* contendens in hoc tanto crimine accusatorem, & audaciam ejus, qui in crimen vocatur: singula-

gularem ostendi debere, & mores feros, immanemque naturam, & vitam vitiis, flagitiisque omnibus deditam, omnia denique ad perniciem profligata, atque perdita: incredibile enim esse vult Ant. Matthæus *d. Crim. libr. 48. tit. 6. n. 6.* mortem oblatam patri à filio sine plurimis & maximis causis: & contra odio fuisse parenti filium; sine causis multis, & magnis, & necessariis.

V.

In lege Pompeja primo loco ponitur ille casus, si liberi parentes occidant *d. l. 1. ff. h. t.* Quæ cædes, uti omnium crudelissima est, vitæ sc. privare eos, à quibus vitam quis habet, ita & propriissimè parricidium dicitur, quasi parentum cædes. Addit d. loc. A. Matthæus illud Ciceronianum; *Nisi multa, & manifesta sceleris vestigia sint; res tam scelestæ, tam atrox, nam nefaria credi non potest. Magna est enim vis humanitatis: multum valet communio sanguinis: reclamitat istiusmodi suspicionibus ipsa natura: portentum atque monstrum certissimum est esse aliquem humanæ speciei, & figuræ, qui tantum immanitate bestias vice-rit, ut propter quos hanc suavissimam lucem aspexit, eos indignissimè luce privarit.* Parentum appellatio hic latissima est, & omnes ascendentes complectitur. *l. 51. ff. de V. S.* nulla quoque inter sexum facta distinctione, adeo ut parricidium committatur, ejusque pœna locum habeat, non in iis tantummodo, qui patrem, avum, proavum, vel alium ex ascendentibus in infinitum masculini generis interficiunt, quod dubium ferè nullum habet. Jod. Damhouder *prax. Crimin. cap. 87. n. 1. 2.* Matth. Berlich. *part. 4. Conclus. 6. num. 24.* Prosp. Farinac. *d. quest. 120. n. 108.* In hoc tamen est dubium, cum post tritavum superiores propriis careant nominibus, an & hi ascendentium nomine veniant? Respondet *lex. 3. §. ult. ff. de grad. & affin. & nom. eor.* in quo

admonendi sumus parentum, liberorumque personas semper duplicari: avum enim & aviam tam maternos, quam paternos intelligemus: item nepotes, neptesque tam ex filio, quam ex filia, quam rationem in omnibus deinceps gradibus supra infraque sequemur. Sed & ii parricidiali poenae subijciuntur, qui matrem, aviam, reliquasque ascendentes sexus foeminini occidunt, quippe quæ æquæ nomine parentum veniunt. *d. l. 51. ff. de V. S. l. 1. ff. ad Leg. Pomp. de Parricid. l. un. Cod. de his, qui parent. vel. lib. occid. Farin. d. qu. 120, n. 105. Jac. Menoch. de arbitr. Jud. quest. lib. 2, cas. 356, n. 3. 4. 5. & seqq.* Parricidiali tamen non subjaceant, qui præferunt his personis præferenda omnino: omnino sunt præferenda, quæ sunt utilitatis publicæ, *auth. res quæ subjacent. Cod. Comm. de legat. l. 3. Cod. d. primipil. l. 12.* Hinc mater Cleomenis, Spartani Regis, virili animo, si perjurium abesset, cum se obsidem salubri paci obstare videret, filio nunciavit, ne rem honestam, & patriæ salutarem propter vetulæ corpus omitteret.

VI.

Nec refert, an liberi occidentes sint legitimi, an naturales tantum, an verò spurii: Quicumque enim illi sunt, poenam parricidii ordinariam non effugient, quia hoc casu substantia parentum & liberorum consideratur, non qualitas *l. 12. §. ult. de Accusat.* Omnesque isti secundum naturam, & sanguinem liberi sunt, adeoque parentibus eandem debent reverentiam, quam liberi legitimi præstant parentibus legitimis. *l. quicumque 4. §. ult. & l. parentes 6. ff. de in jus vocand.* De omnibus potest dici illud poëticum, *Germen iners abeas.* Liberi quoque ex coitu incestuoso & adulterino nati, si parentum fata præparaverint, poenâ parricidii tenebuntur. Licet quidam existiment hoc casu cessare parricidii poenam; quorum tamen sententiam mini-

minimè probandam censemus: quoniam si solam naturam spectes, non minùs filius est ex incestu natus, quàm natus ex legitimo matrimonio, nec minùs pater, qui ex damnato coitu, ac qui ex legitima conjunctione filium procreavit. Vide sis inclytum illud Juris nostri Asylum, Excellentissimum atque Amplissimum Dn. Brandmyllerum, Præceptorem ac patronum meum æviternis nominibus ac parentis loco mihi suspiciendum, in Manuductione ad Jus Canonicum ac Civile, differ. *incestuosis alimenta debentur*. Vide Carpzovium in *pract. Crimin. part. 1. quest. 8. num. 28.*

VII.

Justior dubitandi ratio de adoptivis est, an lege Pompejâ contineantur? Contineri negant Decianus *tract. Crim. lib. 9. c. 9. num. 5.* Farinacius *d. qu. 120. num. 103.* Menochius *de arbitr. Jud. qu. cas. 356. n. 36. in addit.* Berlichius *part. 4. conclus. 6. num. 56.* adjuti suprà dictâ ratione, quòd Lex Pompeja naturalem magis, quàm civilem respiciat cognationem, nulla autem naturalis necessitudo inter adoptivos est, vel quòd Lex Pompeja inducta sit ob violatam naturam, *l. 12. §. 4. ff. de accusat.* quæ in adoptivis nullam patiatur injuriam, *arg. l. 4. §. cognationis 4. ff. de gradib. & adfin. & nom. eor.* Verum enimvero videndum, annon rectius sentiant ii, qui defendunt in Lege Pompejâ parentum appellatione etiam adoptivos contineri: Et si enim adoptio civilem cognationem pariat, *d. l. 4. ff. de grad.* tamen & cognationis jura complectitur, iisdemque, quibus adoptatus fit agnatus, etiam fit cognatus *l. qui in adoptionem 23. ff. de adopt.* Adeo ut Ulpianus JCIus generaliter responderit: Ubicumq; de cognatis agitur, ibi sic accipiemus, ut etiam de adoptione cognati facti contineantur, *l. 1. §. cognationem. ff. Unde cognati*

cognati. Neminem quoque movere debet, quod lex Pompeja naturalem magis, quam civilem spectet necessitudinem: his enim verbis non prorsus civilis necessitudo excluditur, sed naturali duntaxat postponitur. Probat id necessitudo patroni, & liberti, quæ cum civilis potius, quam naturalis sit, tamen lege Pompeja contineatur; Et cum Vitricus lege Pompeja contineatur, quidni & adoptator? Cujus Persona adoptato æquè sancta esse debet, atque persona Vitrici privigno; Imo sanctior; Cum adversus Vitricum furti detur actio, quæ non datur adoptato adversus adoptantem. *l. si nondum 3. § l. de his 11. Cod. de furt.* Eandem quoque reverentiam, pietatem, obsequium parentibus adoptivi debent, quam debent ex justis nuptiis procreati. *arg. l. 6. § 7. ff. de in jus vocand.* Adstipulantur D. Ant, Matthæus *d. crimin. lib. 48. tit. 6. num. 3.* D. Wiffenbachius *disput. 36. ff. de Lege Pomp. de Parricid. th. 2.*


VIII.

Alter casus est, si Parentes liberos necariè trucident. Quamvis enim parentibus quondam in filios non minus, quam Dominis in servos jus vitæ necisque competiit, *l. in suis 9. in fin. ff. de Lib. & Postb. l. fin. Cod. de patria potest.* Jus tamen istud summum sublatum est, & parentibus liberos suos necantibus poena parricidii ordinaria indicta. *l. 1. ff. b. t.* Patria enim potestas in pietate, non in atrocitate consistere debet. *l. 5. ff. b. t.* Dissentit Clariss. Wiffenbachius *disput. 36. de Lege Pompeja de Parricid. thes. 1.* Quæ supra in liberis naturalibus, spuriiis, incestuosis, parentes suos interficientibus statuimus; Eandem & parentibus liberos suos naturales, spurios, incestuosos; spiritu privanti-
bus sententiam pronuntiandam censemus, ob supra dictam rationem, quod in crimine patricidii violetur quasi ipsa natura. Natura autem inter liberos naturales & legiti-
timos

timos non distinguit. *Nov. 74. cap. 1. l. adoptivus 14. §. Serviles. ff. de ritu nupt.* Et sicut natura non distinguit legitimum à naturali, pariter neque amorem patris debere distinguere tradit Baldus in *cap. quæ in Ecclesiarum. Col. f. d. constit.* & in *l. cum acutissimi. Col. 2. vers. quæro quid si per statutum. Cod. d. fideicommiss.* Sed quod de spurio & naturali dictum, ita verum esse arbitramur, si certò constet spurii occisi interfectorem patrem fuisse. Quando verò dubium de eo est; veluti si mater sit scortum publicum, pluribus copiam sui faciens, eamque non solum ab eo, qui parens perhibetur, & infantem occidit, sed & ab aliis pariter carnaliter cognitam, & imprægnatam certum sit, aut certè si ipsemet occisor ignoret an sit parens, non certè parricidii, sed alià mitiori poenà plectendus est: Etenim quia incertus est pater, parricidium quoque incertum est, adeoque & poena parricidii cessat, neque spurius videtur occisus à patre, sed ab extraneo, juxta tradita Jacob Menoch. *de arbit. Jud. quest. libr. 2. cent. 4. cas. 356. n. 16. in addit.* D. Carpzov. in *pract. Crim. patt. 1. qu. 9. n. 9.* Quod attinet incestuosos, plurimi in diversum abeunt Doctores contententes parentem, qui partum adulterinum vel incestuosum necat, non parricidii, sed alià mitiori poenà afficiendum. Cujus assertionis auctores sunt Celeberrimi Viri Virgil. Pingiz. Jafon, Farinacius, Decianus, Menochius, Carrerus, Corradus, quorum argumenta excutere & examinare nimis prolixum foret; Solidè ea diluit & confutat D. Carpzovius *pract. Crim. part. 1. qu. 9. n. 15.* ad quem avidum lectorem brevitatis gratià remitto.

IX.

Dictum est hætenus de parente liberis suis impias manus inferente, eosque dolosè, & ex proposito occidente: sed quid si Parens liberos non manibus suis truci-

dat, verum alio modo perimit, causamque morti præbet: ut puta cum partus à se progenitos exponit, vel abjicit, parine poenà cum superiore plectendus? Interpretes hac in quæstione inter se non conveniunt: Alii ordinarià parricidii poenà, alii gladio, alii fustigatione cum perpetua relegatione, alii arbitrio Judicis vel extra ordinem puniendum censent.  distingvendo rem omnem tribus, ut ajunt, verbis expedimus; Utsi quis in publico aliorum misericordiæ infantem recens natum exposuerit, isque præter omnem opinionem perierit, extra ordinem puniatur; sin in locum ab hominum conspectu remotum infantem abjiciat, ubi inedità pereat, vel à bestiis consumatur, subjiçiat legibus Corneliæ & Pompejæ tanquam Sicarius & Parricida. Hic enim verè locum habet illud Ulpiani in *l. 15. ff. ad leg. Cornel. de Sicar.* Nihil interest occidat quis, an causam mortis præbeat: nec non illud Pauli in *l. 4. ff. de agnosc. & alend. lib.* Necare videtur non tantum is, qui partum perfocat, sed & is, qui abjicit, & alimonia denegat. Cum quo & cõincidit Ordinatio Criminal. Carol. V. in art. 132. in fin. ibi. *stürbe aber das Kind von solchem hinlegen/ so soll man die Mutter nach Gelegenheit des gefährlichen hinlegens am Leib und Leben straffen.*

X.

Post ascendentes, & descendentes sequuntur collaterales, & succedit casus ille; si fratres, vel reliqui consanguinei, conjuges, & affines se invicem conficiant, de quibus interrogamus, An & hi omnes parricidium committant, & sub lege Pompeja de Parricidiis contineantur? Primum inter collaterales in *d. lege* obtinent locum fratres, sorores, patruels, matruels. Quipatruelium & matruelium appellatione in *d. lege* contineantur?

tur? proximum est, ut videamus. Duorum fratrum, vel sororum, vel fratris, & sororis liberos patruelium & matruelium appellatione accipere non possumus: Hæ enim verbo consobrinorum indignantur, quod generale est, & patruales atque amitinos complectitur. *l. 1. §. 6. l. ult. §. 15. ff. d. grad. & adfin. §. 4. Inst. de grad. Cognat.* Nec rectè fuissent præpositi patruo, avunculo, amitæ, materteræ, qui tertio gradu sunt, cùm duorum fratrum liberi quarto inter se distent gradu, *d. l. 1. ff. d. grad. & adf. quia quatuor sunt personæ generatæ. §. 7. Inst. de grad. cogn.* Quare cum Cujacio 6. *obs. 17.* & Hotomanno 6. *obs. 10.* per fratres patruales intelligemus consanguineos, id est, eodem patre natos; per matruales uterinos, id est, eadem matre natos. Insolens quidem verborum usurpation, sed quam vel sola Marciani autoritas tueri potest. Graviter obstat, *sed sciendum 3. verb. sed non etiam eos pariter complecti, qui pari propioreve gradu sunt. ff. eod. R.* Hotomannus *d. c. 10.* hunc locum foedissimè esse contaminatum, & emendari posse demptâ negatione hoc modo: *sed etiam eos pariter complecti, qui pari, propioreve gradu sunt.* Wissenbachius *part. post. ad Pand. disp. 36. n. 2.*

XI.

Consobrini mentio arguit & alios, qui pari propioreve gradu sunt, comprehendi, adeoque eum, qui patruum magnum, avunculum magnum, cæterosque quarto gradu locatos interfecerit, hæc lege Pompejæ teneri; non verò patruum majorem vel maximum, quoniam lex Pompejæ quartum gradum non egreditur. Ant. Gómez. 3. *resol. cap. 3. n. 3.* Generi quoque & nurus appellatione progener & pronurus, sicut è contra soceri & socrus verbo profocer & profocrus continentur, arg. *l. nurus. 50. & l. generi 136. ff. d. v. s.*

XII.

Insuper, ut pœna parricidii locum habeat, requiritur, ut parricidium dolo malo sit patratum. Lex enim Pompeja persequitur crimen, sed crimen non contrahitur, nisi dolo, affectu, animo. §. 1. *Inst. d. vi bon. rapt. l. 23.* §. 2. *ff. de edil. noll. pen. ff. ad leg. Jul. d. adult. l. 20. Cod. ad leg. Cornel. d. fals. §. 7. Inst. d. Obl. q. ex del. nasc. l. 3. §. 1. ff. d. injur. l. 1. §. ult. ff. de abig. l. 14. Cod. ad leg. Fab. de Plag. l. 31. ff. ad leg. Cornel. de fals.* Adeo ut ne lata quidem culpa dolo æquiparetur. *l. 7. ff. ad leg. Corn. de sicar.* Nec mirum: mens enim peccat, non corpus, & unde consilium abfuerit, culpa abest, ait Livius *lib. 1.* Non exitus rerum, sed hominum consilia vindicantur. Cic. *pro Mil.* Quam sententiam expressurus Imperator Adrianus, in Maleficiis voluntatem non exitum spectari rescripsit. *l. 14. ff. ad leg. Corn. de Sic.* Expressum & habetur dolus in Const. Crim. Carol. V. art. 131. in pr. ibi. *welches Weib ihr Kind/ daß das Leben / oder Gliedmassen empfangen hätte / heimlich boshaffter / williger Weise ertödtet. & in §. 1. circa medium; dann daß dieselbig Mutter/ durch boshaffteigen Zursatz vermeint/ mit Ertödtung deß unschuldigen Kindleins/ &c.* Quod si ergo parricidium præter intentionem & animum occidendi commissum fuerit; factum, quia deest dolus à pœna parricidii ordinaria, excusabitur. D. Carpzovius *pract. Crim. part. 1. qu. 15.* apud quem *n. 19. & seqq.* ad informandum judicis arbitrium tres casus potissimum sunt notandi, ad quos ferè omnes circumstantiæ & qualitates parricidii absque proposito commissi referri possunt: hæc si probè asservaverit Judex, à vero & æquo vix aberraverit.

XIII.

In dubio tamen arctissima sanguinis conjunctio & neces-

necessitudo, quæ inter proximas personas, inprimis ea, quæ inter parentes & liberos est, doli suspicionem aut minuit, aut excludit: *Sunt crimina*, inquit Quintil. *quæ ipsâ magnitudine fidem non impetrant: Parricidium aliquando legem non habuit.* Itaque ad nefas magno oportet scelere parricida veniat. Hinc tradunt Interpretes teste D. Matthæo: si filius exanimis in lecto patris reperiatur, non dolo, sed culpâ patris oppressum præsumi: Et contra si pater exanimis reperiatur in eodem cubiculo, in quo filii quiescebant, non præsumi vim factam à filiis: ac ne ab uxore quidem, quæ pudicè & sine mendacio cum marito vixit: nam si adultera sit, in ipsam suspicio criminis cadit; quoniam adulteræ maritos odio habent, eosque veneno sæpissimè conantur tollere. Ac quidem olim Cato dixit, referente Quintil. *l. 5. tit. de exempl.* Nulla est adultera, quæ non eadem sit venefica, quod pulchrè explicat Cicero *ad Herenn. lib. 4.* Hinc mulierem adulteram & veneficam, veluti quadam probabili consequentiâ jungit *l. 8. p. 3. ibi, nisi adulteram vel veneficam.* Cod. de repud. Appositè Ausonius Poëta

Toxica zelotypo dedit uxor mœcha marito.

Inprimis verò dictæ personæ à parricidii suspicionem immunes erunt, si eâ nocte, quâ cædes facta dicitur, se dormisse probent: Eo enim argumento, & olim Clælii fratres, quorum pater T. Clælius in cubiculo quiescens filiis altero lecto cubantibus erat interemptus: neque aut servus quispiam, aut liber inveniretur, ad quem suspicio cædis pertineret, hoc uno nomine absoluti sunt, quia Judicibus planum factum esset, illos aperto ostio inventos esse dormientes. Somnus innoxie securitatis certissimus index miseris opem tulit: Judicatum est enim rerum naturam non recipere, ut occiso patre super

vulnera & cruorem ejus quietem capere potuerint ut refert Valer. Max. dict. fact. mem. *lib. 8. cap. 1.*

XIV.

Non tantum parricidæ legis Pompejæ poenâ plectuntur, sed & qui facinus attentârunt, licet id non peregerint; verbi causâ: si patrem interfectorum venenum emerit, quamvis non porrexerit, tenetur poenâ parricidii. *l. 1. in fin. ff. h. t. l. un. Cod. de his qui parent. vel lib. occidit.* Nec refert, utrum ad actum proximum an remotum perventum fuerit: emere enim venenum non actus proximus, sed remotus est; tamen ad emtionem legis poena porrigitur. Perez. *pr. elect. ad Cod. h. t. de his qui par. n. 3.* Vide Harpprechtum *ad §. 5. I. de publ. judic. num. 387.* ubi proponitur conatus mariti uxorem occidere tentantis. Si ad proximum actum accesserit, ex nonnullorum sententiis parricidii ordinariâ poenâ plectendus est: attamen contraria sententia, quod vid. talis mariti conatus, quantumvis proximus effectus, arbitrariâ tantum, & quidem non L. Corneliæ, vel poenâ gladii, sed mitiore coercendus sit, magis est recepta, etiam de jure communi. Ex æquo ferè lex divina eum, qui percussit patrem aut matrem, moriendo mori, h. e. omnino & sine misericordia interfici, non addito utrum percussus sit inde mortuus, an non. *Exod. 21. n. 15. 17.* Juri nostro & ferè congruit lex Platonis, quam vide *lib. 9. d. legibus.* Hodierno jure non puniri affectum neque conatum, sive attentatum alicujus criminis poenâ ordinariâ, nisi sequatur effectus, attestantur Doctores communiter, quos magno agmine allegat Jul. Clarus in *pract. quest. 92. n. 1.* & Prosp. Farinac. *qu. 124. num. 78. & seqq.* Eamque consuetudinem generalem esse & non indigere probatione dicit Baldus in *l. si fugitivi. num. 3. in fin. Cod. de serv. fugitiv.* Add. si lubet

iubet Dn. Carpzov. *prax. crim. part. 1. quest. 17. num. 14. 15.*
ubi ait, etsi ius civile puniat conatum, tamen ius Saxo-
nicum solummodo punire eventum. Wessenb. in *para-*
titl. ff. ad Leg. Jul. de adult. num. 5. & ad l. Pomp. de Par-
ricid. num. 7.

XV.

Conscii quoque poena parricidii tenebuntur, siue
ex eadem sint domo, & familia, siue extranei. *l. utrum. 6.*
ff. eod. quod tamen cum salis mica puto accipiendum;
quando videlicet conscii simul sunt auxiliores, & con-
sillii participes: veluti si quis ad scelus committendum pe-
cuniam subministraverit. *l. si sciente. 7. ff. b. t.* non autem
hoc extendendum est ad eos, qui sciunt tantum, & non
revelant. Nam frater, qui cognoverat tantum fratrem
emisse venenum, ut patri porrigeret, nec indicaverat,
relegatur; Medicus autem, quoniam non cognoverat
duntaxat, sed & particeps insidiarum fuerat, summo
supplicio afficitur. *l. frater. 2. ff. b. t.* Vide Zæsium ad *b. ff.*
t. num. 2. ubi ad d. l. 2. & 7. b. t. notat, fratrem quoque ex
eo solo, quod conscius esset, sine cooperatione veneni
à fratre præparati in patrem relegatum dici. Quo Zæ-
sii asserto non tollitur poena, sed poenæ duntaxat imponi-
tur modus. Dissentiunt magni quique Viri Gomezius 3.
Resol. 3. num. 4. Menochius *de arbitr. Jud. qu. cas. 355. n. 18.*
Jod. Damhouder *prax. crimin. cap. 80. num. 10. per l. utrum.*
6. ff. b. t. Quam tamen legem, etsi primo intuitu de
consciis generaliter loqui videatur, explico cum D. Mar-
thæo & D. Wissenbachio ex *d. l. frater. 2. ff. b. t.* ut con-
scius sit, cujus conscientia nefarii criminis societate in-
nexa est. Argumento est, quod *d. l. 6. de extraneis* quo-
que loquatur; absurdum autem foret extraneum ob so-
lam reticentiam morte puniri. Infirma & collectio est ex
l. 1.

l. 1. §. 18. ff. d. SCto Silan. in qua singulare in servo est, ut si conficius insidiarum eas Domino non indicaverit, teneatur, uti ad eam respondet celeberrimus & consummatissimus Jctus, D. Petrus de Greve, in illustri Noviomagensium Universitate Antecessor Ordinarius, Præceptor olim meus & Fautor omni animi observantiâ colendus, venerandus, *exercit. ad Pand. 27. th. 11.*

XVI.

• Postquam qualitatem criminis exposui, ad pœnas, quæ criminis hujus atrocitati congruunt, transeo. Pœna parricidii instituta more majorum, & confirmata Legge Pompejæ est hæc, ut Parricida virgis sangvineis verberatus culeo insuatur cum cane, gallo gallinaceo, & vipera, & simia, deinde in mare, aut prout regionis qualitas tulerit, in amnem culeus jactetur. *l. pœna. 9. ff. h. t. cupœnæ ratio singularis redditur in l. un. Cod. de his qui parent. vel lib. occid. & §. alia deinde. 6. l. de Publ. Jud.* ut scilicet omnium elementorum usû vivus carere incipiat, & ei cœlum superstiti, terra mortuo auferatur. Quam rationem etiam elegantissimè descripsit Cicero Orat. pro S. Roscio Amerino, inquiens: *O singularem sapientiam Judices! Nonne videntur hunc hominem ex rerum natura sustulisse & eripuisse, cui repente cœlum, aquam, terramque ademerunt, ut qui eum necasset, unde ipse natus esset, careret iis rebus omnibus, ex quibus omnia nata esse dicuntur? Noluerunt feris corpus objicere, ne bestiis quoque, quæ tantum scelus attigissent, immanioribus uteremur. Non sic nudos in flumen dejicere, ne cùm delati essent in mare, ipsum pokuerent, quo cætera, quæ violata sunt, expiari putantur. Denique nihil tam vile, neque tam vulgare est, cujus partem ullam reliquerint. Etenim quid tam est commune, quàm spiritus vivis, terra mortuis, mare fluctuantibus, litus ejectis?*

ejectis? Ita vivunt, ut ducere animam de cælo non queant: Ita moriuntur, ut eorum ossa terra non tangat: Ita jaectantur fluctibus, ut nunquam abluantur: Ita postremo ejiciuntur, ut ne ad saxa quidem mortui conquelescant. Hæc Cicero. Itemque expressit auctor Metamorphoseos lib. 8.

Diæ summoveant ò nostris infamia seclæ.

Orbe suo, tellusque, tibi pontusque negetur.

XVII.

Modestini responsum in *d. l. 9.* etsi per se satis perspicuum videatur; nonnulla tamen ob suborientes quaestiones laborat difficultate, quæ non, nisi dubiis solutis summovebitur. Et primò quidem quaeritur, Cur Modestinus pœnam parricidii moribus adscribat, cum tamen auctor Rhetoricorum ad Herennium adscribat legi: *Lex est, inquit, qui parentem necesse judicatus erit, is obvolutus, & obligatus corio deiciatur in profluentem?* Assentitur & Valerius *lib. 1. cap. 1.* scribens hoc supplicii genus multò post Tarquinium Regem parricidis lege irrogatum esse. Doctores hic in respondendo variant. Nonnullis Modestinus JCtus videtur idcirco moribus majorum adscribere pœnam, quòd lex antiqua esset, & auctor ignoraretur *arg. l. patre 8. ff. de his qui sunt sui vel alien. jur. l. 1. ff. de curat. furios.* quam opinionem fovet D. Matthæus *d. Crimin. lib. 48. tit. 6.* Alià viâ nodum hunc solvere aggreditur acutissimus Bachovius Comm. ad §. 6. *Inst. Publ. Jrd.* statuendo legem hancce latam, ut conjicit, à Decemviris, non ineptè moribus adscribi, propterea, quòd jam leges XII. tab. illo tempore in consuetudinem abiissent, ex quibus, quod supererat, moribus imputatum fuisse. Se omnium optimè hanc difficultatem componere videtur Magnus Cujacius *lib. 5. sent. Paul. 24.* existimans hoc supplicium idcirco legi adscribi à

Valerio, quòd mores vim legis habeant per *l. 32. 33. ff. d. legib. l. 1. Cod. quæ sit long. Consu.* Cujus sententiæ & auctorem habemus clariss. Wilsenbachium *disp. 36. b. t. tb. 4.* Originem itaque pœnæ hujus ex tacita consuetudine, non lege scripta dependere dicimus: licet non desint, qui suspicantur, legem de parricidiis latam post Annibalis bellum, cum primus Lucius Hostius marrem interfecisset. Policissimus Sigonius *2. de Jud. 31.* Ut sit, hoc certò constat, bello Cimbrico anno DCXL. Publicum Malleolum matre interreptà primum omnium culeo insutum in mare præcipitatum esse. Livius *lib. 48.* Florus *Epist. 68.*

XVIII.

Secundò quæritur, cur Justinianus Imperator hanc parricidii pœnam appeller novam, §. *alia deinde 6. l. de Publ. Jud.* quam tamen more majorum institutam ait Modestinus *d. l. 9.?* Sed facilis est responsio: Imperator appellat novam, quæ est vetustissima, ea de causa, quia non erat in usu ante constitutionem, *d. l. un. Cod. de his qui parent. vel lib. occid.* vel non erat solennis, ut verba dictæ constitutionis sonant Cujac. in *paratitl. ad d. t. Cod. d. his qui parent. vel lib. occid.*

XIX.

Tertiò quæritur, cur Justinianus legi Pompejæ culeum adscribat, cum tamen ex *d. l. 1. b. t.* appareat, legis Pompejæ pœnam non culeum fuisse, sed eandem quæ est legis Corneliæ de sicariis, nempe deportationem, *l. 3. §. pen. ff. ad leg. Cornel. de sicar.* Sunt qui respondent (inter quos & nomen suum profiteri videtur, Clariss. Ludwel. *Exercit. Justin. disp. 18. tb. 6.*) ideo culeum legi Pompejæ adscribi, quòd id supplicium, cum in usu esse desisset, à Constantino fuerit revocatum, *d. l. un. Cod. de his qui parent. vel lib. occid.* Non enim esse novum, ut quæ pœna in
prio

prioris locum surrogata est, ea perinde legi adscribatur, ac si ex ea ipsa descenderet. Sic etenim legi Juliae de adultteriis adscribi gladium, §. 4. *Inst. de publ. Jud.* cum tamen gladii poena non ex lege Julia (cujus quippe poenam relegationem fuisse tradit Magnus Cujacius *lib. 6. observ. 9. ex l. 5. ff. de quest. cui add. l. 13. ff. d. his quae ut indig. auf. l. 2. §. 3. ff. d. his qui not. inf. l. 4. §. 7. ff. de re milit.*) sed constitutione Constantini descendat. *l. 30. §. 1. Cod. ad leg. Jul. d. adult.* Si tamen penitius leges has inspiciamus, semper erit, quod diversum subministret. In *d. l. 5.* ob circumstantiarum varietatem mitior poena irrogatur. In *d. l. 13.* potuit intervenisse rescriptum gratiae. In *l. 5. §. ult. ff. ad L. Jul. de vi publ.* qui vacantem mulierem rapuit, vel nuptam, ultimo supplicio punitur; tamen in *l. un. §. 1. C. d. rapt. Trg.* potuit intervenisse rescriptum gratiae, post quod nullo modo nulloque tempore inter raptorem, & raptam consiluit matrimonium. In *l. 2. §. 3.* libera adulterii poena relinquitur, ita ut nec crescat, nec minuatur. Ut tamen-
cunque damnatus L. Julia de adultteriis vivus maneret, non tamen vivus ambulabit inter milites, sed ita infamiserit, ut etiam ipsa sententia eum Sacramento ignominiae causâ solvat. Sic in *l. 4. §. 7.* adulterii damnati inter milites non sunt recipiendi. Sed respondendo pergamus; legi Corneliae de Sicariis adscribitur ferrum, cum tamen ejus poena fuerit deportatio. *l. 3. §. pen. l. penult. ff. ad leg. Cornel. de Sicar.* Verum hæc nos non morantur, quin potius respondeamus rectè Justinianum legi Pompejæ in *d. §. 6.* adscripsisse culeum: Lex etenim Pompeja eandem poenam in parricidas sanxit, quam lex Cornelia. Et Cornelius Sylla non tantum sicarios punit, sed & parricidas, *l. ult. §. 32. ff. d. orig. Jur. retentâ poenâ culei more majorum introductâ, ut ex Ciceronis*

oratione pro S. Roscio viri docti colligunt. Sigonius *d. cap. 31.* In transitu è *d. §. 32.* hoc notetur ambiguum, non videri Interpretes Pomponii mentem penetrasse, qui quum tres saltem quæstiones nominet, & tamen plures Prætores, non potest dici quæstionum numero numerum Prætorum accommodasse. Ego, qui veteres conciliare malo, quàm errorum non facis manifestos carpere; hoc voluisse reor Pomponium; Cornelium Syllam adjecisse quatuor prætores, non sex illis prætoribus, qui ante ipsum creabantur, ita, ut decem essent, sed quæstionibus. Prætereà non obstat, quod Marcianus in *d. l. t. ff. b. t.* ait, lege Pompejæ cautum fuisse, ut parricida eà pœnâ puniatur, quæ est legis Corneliæ de Sicariis. Illud enim, de sicariis, non ad pœnam sicariorum referendum, tanquam eadem sit pœna Sicariorum & Parricidarum, sed veriùs ad legem demonstrandam pertinent, ut ne intelligeretur Cornelia de falso, Cornelia majestatis, Cornelia de injuriis, sed Cornelia de Sicariis, quatenus nimirum ad parricidas pertinet. Cujacius in *paratit. Cod. de his qui par. vel lib. occid. & in not. ad sent. Pauli lib. 5. tit. 24.* Ant. Matth. *Com. de Crim. b. t. cap. 2. n. 2.* Wilsenbachius *disp. 36. de lege Pomp. de Parc. tb. 4.* Lex Cornelia de Sicariis & L. Pompeja de Parricidiis conveniunt in relatione ad homicidium: discriminantur in relatione ad homicidii pœnam. Vel conveniunt, quoad genus pœnæ: discriminantur quoad pœnæ extensionem.

XX.

Parricida primò virgis sangvineis cæditur. Virgæ sangvineæ quæ fuerint, apparet ex Plinio, qui tradit, frutices quosdam sangvineos dictos, quòd facilè sanguinem elicerent saligneis non dissimiles, *lib. 16. hist. nat. c. 18. & l. 24. c. 10.* Tales frutices arboribus infelicibus an-
nume-

numerati, *d. c. 10.* iisque Romani in rebus tristibus usi sunt. Fecialis hastâ sanguineâ & cruentâ bellum indicebat Liv. *l. 1. ut fecialis hastam ferratam aut sanguineam prorsum ad fines eorum ferret.* Virg. de Bellona 8. *Æncid.*

Quam cum sanguineo sequitur Bellona flagello.

Virgas lictorum quoque ex sanguineis fruticibus fuisse observat ex Plinio Cujacius in *par. Cod. d. t. d. his qui par.* Malè itaque emendat Corasius *lib. miscell. cap. 5.* dum contendit pro sanguineis legendum *sagmineis* per *l. 8. ff. de rer. div.* rectè eo nomine reprehensus à Criticorum rege Adriano Turnebo 8. *advers. 23.* Vide sis Duarenum ad *h. t. & Hotomann, in d. leg. Rom.*

XXI.

Parricida Virgis sanguineis cæsus culeo insuitur. Culeum, seu saccum coriaccum mensuræ genus fuisse rerum tam solidarum, quàm liquidarum text. est in *l. ult. §. ult. ff. de pignor. at. act. l. quesitum 12. §. 1. ff. de instruct. vel instrum. leg. l. 7. in fin. ff. de ann. leg. & fideic. & testatur Festus in verb. Culiola: Culiola, inquit, cortices nucum viridia, dicta à similitudine culcorum, quibus vinum sive oleum continetur. Cui add. Catonem *de re rustic. c. 154.* Plinium *lib. 18. hist. nat. c. 31.* Columell. *de re rust. cap. 8.* Eumque ex corio confici solitum certò constat ex Juvenali Poëta; cum ita canit *Sat. 13.**

Deducendum corio bovis in mare cum quo

Clauditur adversis innoxia semina fati.

Cui & ad stipulatur græcus Paraphrastes Theophilus in *d. §. 6. Inst. de publ. jud. Isidorus.* verò non audiendus, qui in glossis ait: *culeum tunicam fuisse ex sparto in modum crumene factam, & solitam liniri à populo pice & bitumine.* Impericè nimis confundit culeum cum tunica. Ille, quod dictum & certum est, corium fuit, in quem parricidæ

ricidæ insuebantur. Tunica, ut ex ipsius descriptione apparet, ab eis induebatur, qui erant igne cremandi. *Seneca* Epistola 14. *Cogita illam tunicam alimentis ignium & illitam, & intexam.* *Juvenalis: Tunica punire molestæ.* *Tertullianus ad Martyres: Jam & ad ignes quidam se auctoraverunt, ut certum spatium in tunica ardente conficerent.* Hæc alimenta ignium non tantum sunt pœnæ, sed etiam sunt quæstionis, quæ pœnam antecedit. Vide Incomparabilis J^Cti Dn. Brandmylleri manuductionem ad jus Canonicum ac Civile in diff. *Quæstio sive tortura, &c.*

XXII.

Parricidæ Comites adduntur, canis, gallus gallinæus, vipera & simia. Cur hæc potius animalia inferantur, rationem reddit H. Cardanus *lib. 10. subtil.* quòd quemadmodum simia homo non est, attamen videtur; ita etiam, qui proprium occiderit parentem; & quòd serpens insidiis anteit, & inimicissimus est humano generi, non secus ac parricida; item, quòd canes omnes odisse videntur, solumque hoc animal nemini parcit, neque proprio generi, denique quòd gallus sit superbissimus. Alias rationes tradit Glossa ad jus Saxonicum in *Landr. lib. 2. art. 14. vers.* Nun möchstu sagen / &c. ibi: der hund zeigt an / daß ein sollicher mensch seine eltern nie mit ehren erkandt hat / wie der hund thut / welcher neun ta-
ge blind ist. Der Hahn bedeutet des menschen frevel und durstigen hochmuth / den er an seinem vater / oder kind begangen hat. Die Natter bedeutet sollicher eltern unglück / dann von dieser geberung sagt man also / daß wann sie sich gatten wollen / so stäcket das männlein sein haubt in des weibleins mund / darvon empfehet sie / und allda beißet sie dem männlein vor wesslust das haubt abe / darnach wenn sie die Jungen gebühret / muß sie von ihnen wieder sterben:
dann

dann als dieselben sollen gehöret werden / beissen sie sich aus der mutter leib / davon sie dann von stand an sit bet. Der Aff bezeichnet eines menschen gleichnuß oder todes ebenbilde ohne werck / dann wie der Aff in vielen dingen einem menschen gleich ist / und ist aber doch kein mensch ; also ist dieser mörder einem menschen ähnlicher gewesen / ist aber mit der that / und herzen kein mensch gewesen / weil er so unmenschlichen hat an seinem eigenen blut thun dörfen. Dn. Carpz. *prax. Crim. part. 1. qu. 8. n. 10.* Quamquam non tam modum pœnæ quam finem, qui est in *l. un. Cod. de his qui par. vel lib. occid.* attendamus, ut parricida omnium elementorum usu vivus carere incipiat, & ei cœlum superstiri, & terra mortuo auferatur. Tandem culeo cum hisce animalibus parricida insulus, & inter eas ferales angustias comprehensus, secundum quod regionis qualitas tulerit, vel in vicinum mare, vel in amnem projicitur. *l. 1. ff. b. t. l. un. C. d. his qui par. vel lib. occid. §. alia deinde. 6. Inst. de publ. jud. Ant. Gomezius 3. resol. cap. 3. num. 3.* Appositè Juvenalis de Nerone matricida & fratricida loquens : *Sat. 2.*

Cujus supplicio non debuit una parari

Simia, nec serpens unus, nec culeus unus.

jung. Suet. in *Vita Neronis cap. 45.*

XXIII.

Hæc culei pœna solum irrogatur ei, qui parentis, aut liberorum fata properaverit ex constitutione Constantini *d. l. un. Cod. de his qui p. tr.* & se properasse fassus est, nec sufficit parricidium esse manifestū. Apud Tranquillum Augustus cap. 33. dixit jus non diligentia modò summâ, sed & lenitate: siquidem manifesti parricidii reum, ne culeo insueretur, quòd non nisi confessi afficiebantur. Hæc pœna, ita fertur interrogasse, certè patrem tuum non

non occidisti; sin aliam personam cognatione vel affinitate conjunctam nefariè confecerit. Pœnam legis Cornelie de sicariis sustinet. §. *alii deinde 6. Inst. d. publ. Jud.* Obijciuntur verba Constantini: ait enim: *si quis parentis aut filii, aut filie, aut omnino affectionis ejus, que nuncupatione parricidii continetur, fata preparaverit, culco insuitor*: Atque cognati ad quantum usque gradum; nec non affines sunt ejus affectionis, ut nuncupatione parricidii contineantur *l. i. ff. b. t.* Igitur sine distinctione Constantinus omnes parricidas voluit culco insui. Non auderem asserere locum hunc corruptum esse, nisi me moveret summorum Virorum auctoritas. Quid igitur, non dubito, quin lectio istius loci vitiosa sit, & vel cum Matthæo non *parricidii* sed *parentum* legendum, quo modo in quibusdam codicibus legi testatur Wissenbachius *disp. 36. b. t. th. 5.* quâ correctione admissâ intelligemus Constantinum culci pœnam ad parentes & liberos restrinxisse, reliquis cognatione, vel affinitate conjunctis reliquisse pœnam legis Cornelie de Sicariis.

XXIV.

Obiter hic monendum nonnullos mirari, quam ob causam Constantinus nullam in *d. l. iii.* mariti & uxoris habuerit rationem, cum atrocius videatur peccatum conjugis quàm parentis fata properare, eò quòd in sacris dictum sit: Homo derelinquet patrem & matrem, & adhærebit uxori suæ. *Matth. cap. 19. Marc. 10. Paulus ad Ephes. cap. 5. v. 31. add. c. admonere 31. quest. 3.* Respondemus, ex eo sequelam hancce malè inferri: Tamen si enim, si thorum, & mensam, vel focum respicias, homo relietis parentibus adhærere debet; non tamen tanta conjugii, quanta parenti, reverentia debetur & exhibenda est. Non enim conjugii, sed parenti spiritum imputamus.

Quod

Quod cum sit, gravius habendum parentis, quam conjugis vitæ insidiari. Plura de hac quaestione si desideres, adi, si lubet, Gomezium *d. cap. 3. n. 3.* Farinac. *d. qu. 120. n. 130. & seq.* Decianum *l. 9. c. 11. n. 5.* Dn. Carpzov. *part. 1. qu. 12.* Ant. Matth. *Comment. de crim. cap. 2. n. 8. b. t.*

XXV.

Hæc, quæ supra de poena parricidii diximus, quibusdam casibus limitantur. Primò, si quis per furorem, parentem, aut filium occiderit, impunitus erit, eumque sati excusabit infœlicitas: sufficit enim furore ipso eum puniri *l. penult. §. ult. ff. b. t. l. 12. ff. ad leg. Cornel. de sicar. Wefenb. Paratit. l. ff. b. t. n. 20.* Berlich. 4. *Conclus. 6. n. 55.* Ne tamen furiosi incautiùs similia perpetrare valeant, diligentius custodiendi & damnandi sunt, ut strictissimè & catenis, truncis magnis, vel postibus alligentur, aut compedibus ferreis impediuntur, aut cellulis clathratis arctissimè includantur. *d. l. pen. §. ult. ff. b. t. l. congruit b. no. 13. §. 1. & l. Divus. 14. ff. de offic. præs. Jod. Damhouder. Prax. Crim. cap. 87. n. 9.* Amplissimus Berezjus *præh. intit. Cod. d. his qui par, vel, lib. occid. num. 10.*

XXVI.

Secundò pater filiam adulteram, quam in potestate habet, in domo sua vel generi deprehensam, & quidem in ipsa turpitudine vel rebus Veneris, impunè potest occidere. *l. 20. 21. 22. 23. 24. 32. ff. ad Leg. Jul. de Adult. n. 13.* Dn. Matthæus *comment. de Crim. tit. ad leg. Jul. de Adult. n. 13.* Ipsum facinus paternam destruit pietatem. Hippomenes Atheniensium Princeps è Codridarum familia, cum apud filiam ex Atalanta Limonam adulterum deprehendisset, utrumque necasse traditur, Tiraquellus *l. connub. 13. num. 9. sub fin.* Tholos. *syntagm. jur. lib. 36. c. 6. num. 22.* Quò spectat Ovidius *in diris ad ib.*

D

Utque

Utque novum passa est genus Hippomenia pœna.

Tractus & Actæa fertur adulter humo.

Et rursus ibidem:

Solaque Limona pœnam ne senserit illam,

Et tua dente fero viscera carpat equus.

Wisigothorum L. hæc fuit, si filiam in adulterio pater domi suæ occiderit, nullam pœnam, aut calumniam incurrat. Si eam reservare voluerit, faciendi de ipsa, & adultero quod voluerit, habebit potestatem. Hunc rigorem hodierni mores non receperunt. Gudelin. *de Jur. noviss. lib. 5. c. 18.* Zypæus *d. rapt. Virg. in pr.* Christin. *ad LL. Mechlin. tit. 2. art. 13. num. 19.* Charondas *pandect. du droit. Franc. libr. 4. c. 9.* Bugnon, *d. LL. abrog. libr. 2. sect. 29.*

XXVII.

Quid si filius salutis causa patrem (apertâ vi nullius criminis, vel peccati sibi conscium filium perimere tentantem) occidit, nonne pœna capitis remittenda filio? Ita sane videtur: namque non solum gravissimus dolor patricidio causam dedit, verum etiam pater, qui tale quid commisit, exuisse patrem, patrisque nomen dici potest, ut indignus habendus sit, cujus mors culeo vindicetur. Etenim si idcirco licet vim atque injuriam propulsare, quoniam natura inter nos cognationem constituit, hominique hominem insidiari nefas est, ut ait Florentinus in *l. 3. ff. de Inst. & Jure*; consequens est, eò magis vim à patre illatam propulsare licere filio, quo arctior & efficacior inter utrumque necessitudo à natura constituta est. Accedit, quod cum amor à se ipsa incipiat, non videatur filius salvâ conscientia salutem propriam postponere posse salutem parentis, uti loqui amat A. Matthæus *comment. de crim. c. 2. num. 12.* Subscribunt huic assertioni Decianus *d. cap. n. 12.* Menoch. *cas. 356. n. 35. in addit.* Fari-

na-

nacius *d. qu. 120. n. 186.* Berlichius *4. conclus. 6. n. 62. 63.* sed in diversum abeunt Plato *lib. 9. de leg. & Bodinus lib. 1. de republ.* Hic Feudistæ sciscitantur, *Si auxilium Vassallus Domino ferre debet contra omnes homines, an etiam contra parentes?* Quod satis durum, & inhumanum videtur, ut contra eum Vassallus Dominum juvare debeat, cum nihil magis naturæ & præceptis divinis contrarium sit, quàm patrem, à quo vitam habemus, oppugnare, ipsumque vitâ privare. Hoc improbat Hotomannus *ad c. domino in fin. 2. F. 28.* ipseque distinguit, utrum pater contra patriam quid moliat, an contra alium privatum, seniore, sive dominum. *arg. l. 35. ff. d. relig. & sumpt. funer.* Vide nostri ævi Theoreticorum facile Principis Dn. Brandmylleri *Dubia Juridic. ad lib. 1. Inst. Jur. diss. 1. tb. 15. Obst. 5.* Contrà verò Feudistæ communiter affirmativam tuentur per textum expressum in *d. c. domino, à quo recedendum non est.* Non o. quòd patri ex jure divino & naturæ reverentia debeatur *l. 2. ff. de J. & J.* Respondet Ludwel. in *Synops. jur. feud. cap. 14.* frustra leges invocare eum, qui contra leges committit *l. 37. in fin. de minorib.* ideoque contra patrem, qui spreto divino, & humano jure dominum injustè lædit, filium justè arma induere posse.

XXVIII.

Pœna item legis Pompejæ remittitur patri, qui justissimi doloris concitatus stimulo filium interfecit, *l. 5. ff. b. r. ubi pater, qui filium novercam adulterantem in venatione occiderat, à Divo Adriano in Insulam deportatus est.* Summa animi perturbatio & justissimus dolor in causa fuit, ut ultimum supplicium remitteretur; tamen quia latronis magis, quàm patris jure eum interfecerat, deportationis pœna ei irrogata est: cum patria

potestas in pietate, non in atrocitate consistere debeat, *d. l. 5. vide tit. Cod. de Emend. propinq.* In *d. l. 5.* proponitur casus minus dubius circa novercam, erga quam non æquè inclinatur filialis amor, ac erga genitricem, quam procreatio fecit. Apud Latinos omnia iniquitate, inidiisque nocentia novercis æquiparantur. Vult Higinus Agrimensor. iniqua loca omni modo vitari debere, quæ novercæ appellentur. Quid in Julio Frontino *lib. 1. d. Coloniae*. in Magone reperitur, vide Barthium in Claudianum *d. bell. Gildon. num. 173.*

Horatius,

*Quid ut novercae intueris? aut ut petita
Ferro bellua.*

Virgilius,

Pocula si quando ceruâ infecere noverca.

Tibullus,

Sæpe horrere sacros doluit Latona capillas,

Quos admirata est ipsa noverca prius.

Apulejus Metam. 10. Dira illa femina, & malitiae novercalis exemplar unicum, non acerba morte filii, non conscientiae parricidii, non infortunio domus, non luctu mariti, non exitum funeris commota, vltimæ familie vindictæ compendium traxit. Tacitus Annal. 1. Tiberium ac Liviam, illum metu, hanc novercalibus odiis suspecti & inuisi juvenis eadem festinavisse. Vide Quinctilianum Avum declam. 327. 382. l. 4. ff. de inoff. testam. Casus magis dubius esset circa genitricem, quam procreatio fecit; de ea elegans est historia, quam narrat Valer. Max. lib. 8. cap. 1. digna, quæ hic ex ipso Valerio apponatur. Mater familias Smyrnxæ virum & filium interemit, cum ab his optima indolis juvenem, quem ex priore viro enixa fuerat, occisum compersisset. Quam rem Dolabella, Proconsulari imperio

Asiam

Asiam obtinens ad se delatam Athenas ad Areopagi cognitionem relegavit: quia ipse neque liberare cadibus duabus contaminatam, neque punire eam justo dolore impulsam sustinebat. Consideranter & mansuete populi Romani magistratus; sed Areopagita quoque non minus sapienter. Qui inspecta causa & accusatorem, & reum post centum annos adesse iusserunt: eodem affectu moti, quo Dolabella. Hæc igitur, quoniam iustissimo dolore Mota mariti & filii cæde se maculaverat, neque absoluta, neque damnata est. Idem refert Aulus Gellius *noct. Attic. lib. 12. cap. 7.* sed ille transferendo questionem, hi differendo damnandi, atque absolventi inexplicabilem cunctationem invitabant.

XXIX.

Remittenda quoque poena patri est, qui filium, filianve, ne stuprum pateretur, occidit, cum aliter eam ignominiam evitare non potuit, facit *l. 8. §. 2. quod metus causa.* Ita Virginiū fecisse legimus, cum aliā viā filiam à stupro Appii Decemviri tueri non posset, narrat Livius *l. 3. cap. 48.* Pomponius in *l. 12. §. 24. ff. d. Orig. Jur.* ubi, cum Virginius castitatem filiae vitæ quoque ejus præferendam putaret, arrepto cultro de taberna latronis filiam interfecit: in hoc scilicet, ut morte Virginiis contumeliam stupri arceret.

XXX.

Excusamus quoque à parricidii poena patrem, qui extrema famis necessitate urgente, ex interfecti filii carne latranti stomacho quæsit dapes: Est enim acutissimum telum fames, nec admittit pietatis & sapientiæ præcepta venter carens auribus. Ita in sacris imperante Israëlitis Joramio, cum obsessa à Syriorum Rege Samaria mater filium ex pacto mactasset, & comedendum

proposuisset, nullum à rege eo nomine iudicium constitutum legimus. *l. 2. Reg. cap. 6. v. 28. & seqq.* videat, cui volupe est, Decianum *lib. 9. c. 15. n. 6.* Claudianum *lib. d. bell. Gildonic.* ubi, quid sit fame confici, describitur. Ipsam famem describit VIII, Ovidii Metamorphosis.

*Quæsitamq; famem lapidoso vidit in agro,
Unguibus, & raris vellentem dentibus herbas.
Hirtus erat crinis cava lumina pallor in ore,
Labra incana situ, scabrique rubigine dentes,
Dura cutis, per quam spectari viscera possent.
Ossa sub incurvis extabant arida lumbis.
Ventris erat pro ventre locus, pendere putares
Pectus, & à spina tantummodo crate teneri.
Auxerat articulos macies, genuumque tumebat
Orbis, & immodico prodibant tubere tali.*

XXXI.

Sed quid, an filius patrem patriæ proditorem, aut perduellem impunè occidit? Gravis sanè quæstio, in qua pietatis reverentia cum utilitate publica certare videtur. Marcellus in *l. minime 35. ff. d. religios. & sumt. fun.* respondit, si filius patrem ad patriam delendam hostili animo venientem occidit, sine scelere id fieri, atque etiam præmio afficiendum majores censuisse. Quod Marcelli responsum gravissimis rationibus premittitur: Licet enim hostis patriæ, legum contemtor, & impius sit pater, pater tamen est, ait Justinianus *Novell. 12. c. 2.* Quod tantum scelus reperiri potest, quod parricidio sit vindicandum, rogat Quinctilianus *declam. 286.* In parricidio nulla satis iusta causa ad sceleris patrocinia prætexi potest, proclamat Justinus *lib. 16. hist.* Nullo hominum placito, vel civitatis instituto, reverentia parentibus jure naturæ debita deleri, atque extinguì potest.

Nec

Nec lex divina, quæ parentes honorari præcipit, exceptionem addidit: Extra quam si hostes fiant. In hoc rationum conflictu distinctio videtur adhibenda inter patrem, qui contracto agmine hostili venit oppugnatum patriam, & patrem proscriptum, bannitum, cui nulla militum manus, nullæ vires. Prosriptum si occiderit filius, non solum non præmio honorandum, sed & capite plectendum. Menoch. *de arbitr. Jud. qu. 90. n. 43.* sin eum occiderit, qui ad patriam delendam hostili animo veniebat, pœnæ quidem gratiam faciendam, non etiam præmio afficiendum dixerim. Wissenbachius ad *d. l. 35. ff. de relig.* Harpprechtus *comment. ad §. 5. Inst. de publ. Jud.* Hugo Grotius *lib. 2. de Jure bell. & pac. c. 18.* Minus dubitatur in persona patris. Hinc non sine sui commendatione perpetuæque laude Aulus Fulvius Senatorii ordinis Vir, euntē in aciem filium retraxit: juvenemque & ingenio, & literis, & formâ inter æquales nitentem pravo consilio amicitiam Catilinæ secutum, inque castra ejus temerario impetu properantem mortis supplicio affecit, præfatus non se Catilinæ illum adversus Patriam, sed patriæ adversus Catilinam genuisse. Harpprechtus *ad d. §. 6. n. ult.* Imitabatur hic Fulvius aquilam, quæ apud Plinium *lib. 10. cap. 3.* pullos suos opponit radiis solis. Et pullum, qui radium solis more patris immoto lumine cernit, tanquam proprium diligit, illum verò, qui hoc non facit, tanquam degenerem abjicit.

XXXII.

Nobilis succedit quæstio, an si filius patrem, vel pater filium carceri inclusum, ne publicè decapitaretur, ad effugiendum publicæ mortis ignominiam veneno extinxerit, de parricidio teneatur, & ut parricida puniendus

dus sit? Negat Decianus *tract. crim. l. 9. c. 8. n. 17.* Affir-
 mat Farinacius *d. qu. 120. n. 134.* quem sequitur Dn. Mat-
 theus *d. crim. b. t.* Atque horum sententia, ut simpli-
 cissima, ita & verissima nobis videtur. Ratio in prom-
 ptu est, quod is, qui patri vel filio carcerato ita vene-
 num propinet, non simplex, sed duplex facinus admit-
 tat; Nam & cæde patris manus contaminat, & carceris
 violationem ad parricidium adjicit: Non enim ille so-
 lum carcerem violat, qui vi manuque effringit; sed &
 qui reum quoquo modo eximit *l. 4. vers. qui confess. ff. ad*
L. Jul. Majest. l. ult. ff. de cust. & exhibit. reor. Meno-
 chius *qu. 225. n. 5.* Carrerus *in pract. crimin. in 3. tract. de*
homicid. & assassin. §. nono quæro. n. 34.

XXXIII.

Tantum de pœna culei, quæ hodie passim in Ger-
 mania, Belgio, Gallia, Italia, tacitis moribus abrogata
 est exceptis terris Electoratus Saxonici, quibus culeus ad-
 huc in usu ob *constit. Elect. 3. part. 4.* Dn. Carpzov. *prax.*
Crim. part. 1. qu. 8. n. 17. Nisi quod hoc temperamentum
 sit, ut loco culei, vel sacci coreacci hodie lineus, ne
 parricidæ cum periculo animæ diutius vivant, loco
 simiæ felis, propter magnitudinem pretii, loco serpentis
 vivi, si tam facile haberi nequeat, in charta, vel linteo pi-
 ctus, & si mare vel flumen propinquum non sit, non qui-
 dem feris animalibus rei devorandi obijciantur, quod vul-
 jus Civile, sed pœna rotæ afficiantur. Joh. Philipp. *in usu*
pract. Instit. Justinian. libr. 4. tit. ult. §. 6. col. 88. Testatur
 Gomezius *de delict. cap. 3. n. 3.* Hispaniam quoque adhuc
 culeo uti, ita tamen, ut non nisi interfectus parricida in
 eum insuatur. Jul. Clarus *lib. 5. sent. par. Parricidium. n. 5.*
vers. dum essem in Hispania. Apud reliquas gentes in locum
 culei successit pœna ultimi supplicii, cum aliquo alio ge-
nere

nere poenæ, secundum qualitatem cujusve regionis, veluti ut parricidæ gladio feriantur, vel vivi defodiantur, vel in quatuor partes dissecentur, vel canibus lacerandi tradantur, vel strangulentur, Farinac. *qu. 120, n. 12.* Gudelin. *5. de Jure Noviss. 17.* Wesemb. *in paratitl. b. t. num. 5.* Bugnon, *1. leg. abrog. art. 237.* Unde tradit Jod. Damhouder *prax. crimin. cap. 87. num. 3.* quod apud eum parricidæ ad caudam equi, aut ad quodvis vehiculorum genus affixi, cratique vimineæ insidentes, aut asseri dedecorosè pertrahantur ad supplicii locum, ubi decollentur, & corpora truncata rotæ in altum erigendæ affigantur, & tandem simul omnium bonorum proscriptione aut confiscatione plectantur.

XXXIV.


Sit thesis ultima *L. ult. ff. b. t.* in qua eorum, qui parricidii poenâ teneri possunt, semper accusatio permittitur, i. e. ut interpretatur Hugo Grotius *in flor. spars. ad jus Just.* ad viginti annos. *1. querela. C. ad L. Cornel. de fals.* hoc jus est Romanorum. Apud Græcos veteres non obtinuit: nam Aristocratem legimus Ariadum regem prælii in Cypro proditi poenas luisse post annos viginti. Habet id Plutarchus de *serâ Numinis vindicta*. Qui verò decem per annos poenam perpetuam exierant, eos habitos in ministeriis, quæ non procul à poena aberant; testis Plinius *10. epist. 41.* An jure Canonico præscribi criminibus possit? vide Celeberrimi Dn. Brandmylleri *Manu-ductionem ad jus Canonicum, ac Civile, in diff. præscribi criminibus non potest.* Wernerum Johannem Uffelmannum *in lect. Rittershus. libr. 6. c. 3. obs. 3.* ubi *c. non debet 8. x. d. consang. & affin.* ita explicat, quod tantò sint graviora peccata, quantò diutius infelicem animam detinent alligatam: hoc esse intelligendum, si actio legitimo tem-

E

pore

pore sit instituta, quòd tum, licet diu in actu illicito versati homines fuerint, diuturnitas non excuset, sed potius incuset magis, & facinus aggraver. Hoc quasiverim duntaxat, si actio legitimo tempore non fuerit instituta, an propter non institutam actionem cesset animæ infelicitas, & non censeatur diutius alligata. Vide Wisenbach. *ad ff. part. 2. disp. 36. lb. 7.* juxta quem mores nullam admittunt præscriptionem in parricidio, in suppositione partus, in cæde ex insidiis facta, & similibus gravissimis criminibus.

SOLI AC IMMORTALI DEO SIT LAUS
HONOR ET GLORIA
IN SEMPITERNA
SECUA.



CANDITATI
IN UTROQUE JURE
NOBILISSIMI
DN. HENRICI DE BILDERBECK
COLONIENSIS
NON FAVORE SED JUDICIO
DICTI NUNCUPATI
PRÆCLARÆ ÆQVI ET BONI
NOTITIÆ
QVAM FASTI IN SECVLA DUCANT
INSCRIBIT
VOTI FELICIORA
JACOBUS BRANDMYLLERVS



I.

BELGA suas jactet variâ sub luce nitentes
Gemma, ac ludat splendor ubique novus.
Monstret in eximiis prælustria dona lapillis,
Quas tulerint crustas litora fausta rudes.
Et quæ depromant Arabes pretiosa superbi:
Ut natis opibus culmina celsa gemant.
Elatas numeret puppes, his carbasa nexa,
Quæ frangant undas brachia nuda modis.
Vomere non credat pronò convellere taurum
Glebam, non falcem desecuisse satâ.
Id laudi ducat se sub pugnantibus hostem
Vincere se quosvis sternere magnanimos.
Non has miramur dotes, hinc cæca recede
Caligo alterius commoda deliciis;
Naturæ sint depositum, nos montis arenam
Sed male purgatos credimus ante pedes.
Aurum si jactat, turbato sordidus auro
Hermus se jactet Hesperiusque Tagus.

Sija-

Si jactat puppes, alii constantia tigno
Mœnia Tænario puppibus obijciunt.
Credimus hæc etiam, quæ narrant arma, referre
Turbam, turba domus mœsta sepulcratimet.
Hæc curent PATRIÆ PATRES, nos subdere vota
Est satis, & satis est promptius obsequium.
Credimus & pinguem nunquam sine vomere glebam
Crescere, stent quæ non falce resecta cadunt.
Gloria an inde venit pugnantibus esse ferocem?
Vincendo redeat, cum jacet hostis, amor:
Haud instant homines, instant morientibus urfi,
Instat funesto sæviùs ore lupus.
Sic qui Socratici revocas encomia plausûs
Et primæ famæ facta secunda places,
Committis gentem genti, te Belgica flectit;
Est tamen in nostris, quod vereare, locis.
Belga in Apollineo cum se non prædicet ortu,
Forfan Apollo patrem te BASILEA colit.
Dum dubitas, vultu dum nostros aspicias ausus,
Te nostri radii protinus abripiunt.
Quod solum jactes Cœlumque recludat eunti
Per tentata suis ardua temporibus,
Est Virtus excussa suis conatibus, aucta
Illecebris, miti svavior eloquio:

Accedit Doctrina potens, educta medullis
Legum, collecto pectore sollicita.
Illa favet, favet ista tibi, se miscet utrique
Gratia, ceu molli surgeret apta toro.
Juncta meis optata beent te, magne Sacerdos,
Succedat capiti digna corona tuo.
Tandem ne superent studii te tædia, tæda
Virginis innuptæ se tibi restituat.

II.

Quod Natura horret, digito quod scripta minaci
Lex prohibet, Gentes quod stupuisse refers.
Quod semel auditum terrorem spargit, & auras
Ferali infestat carmine, triste nefas.
Cur chartæ hoc mandasse placet? num crimine tanto
Harpocrates potior non taciturnus erat?
Sed juvat ô vidisse scelus, quod pagina dânnet
Doctior, & multo sanguine tincta manus.
Quod satis haud qui odisse potest, hunc terreat anguis,
Hunc BILDERBEKI sumia scripta fuget.

In honorem

Nobiliss. DN. CANDIDATI

adp.

JOH. IACOBUS HOFMANNUS
G. L. P.